

*Mundus vniuersus exercet  
histrioniam.*

**Q**Vuisquis colūnis Delphici inscripsit Dei  
*Γράφει Στρωτον*, scripsit vt scirent Dei.  
Præcepta Diuis tradidit, nunquam viro.  
Humana enim mens corporis squalens lue,  
Et mersa cæca pectoris profundie,  
Caligat, & delirat, vt nusquam suas  
Cognoscat artes, Quispiam si nouerit  
Iurare possis diuus est, non est homo.  
En ista mundi præpotentis machina  
Distincta stellis ignibusq; fulgidis:  
Refert Theatrum: Terra fit proscenium:  
Cohors Deorum spectat, ille alter Deus  
Cælum residens inter, & terras H O M O,  
Scenam capeffit, Fabulas Diuis facit,  
Mimus Decorus, ludibundus Histrion.  
Fortuna partes aptat, & gestus docet  
Frænare, & ora. quilibet vestit suas  
Conditq; dotes, quas potens Dei manus  
Infudit in hæc pectoris præcordia.  
Simulata tantum prodimus, latent ea  
Silentq; quæ sunt nostra, quæ non sunt parent.  
Quodcunq; sortis prodiga effudit manus,  
Loquitur, boatq; quicquid at melior dedit  
Natura mater, infima mersum est specu.  
En inter ista tot virorum millia,  
Quæ mundus vnus iste concludit suis,  
Nemo est repertus, ipse qui fiet suus  
Et corde, & ore. differunt ad inuicem  
Persona ficta, quiq; personam induit.  
Natura semper vltima in scenam venit,  
Catastrophenq; perficit, iure & suo  
Plausum requirit. Fabulis in omnibus  
Loqueretur illa primulum: partes eas  
Natura quas debebat, en nunc fors agit.  
En illa cunctos fasciis rapit suis,  
Vnoq; temporis momento contegit  
Nudumq; corpus, mentis & nudum iubar.

*Factum Finitum.*

**S**imulac Potentis artifex manus Dei,  
Cœleste finxit corpus, & sphaera sua,  
Subiecit ignem, fornicemq; cærum  
Flammantis ætheris, humidamq; fabricam  
Voluentis aeris, & vagas Ponti vias.  
Graudamq; terram sedibus fixit suis.  
Sanciuit acta, ne quid illorum foret  
Aeternitati peruium: ast crebra vice  
Circum rotata, cederent, & surgerent.  
Sic Pontus atrox continentis helluo,  
Glubit voratq; terras, & Tellus mare  
Spumans resorbet rursus, in suam trahens  
Vertensq; formam debitosq; fluminum  
Riuumq; cursus ore vasto ingurgitat,  
Ceruissamq; cæuli potat Dei.  
Et quamuis ista rursus vt surgant, cadunt,  
Non sempiterna fuerit hæc recessio  
Sed illa terminatur: & licet nouæ  
Formæ resurgant, interim veteres tamen  
Non diruentur. ista sed solers dies  
Nouis, nouisq; couoluta vestibis  
Simul reseruat omnia, vt tollat simul.  
Tunc, cum supremus, vltimusq; terminus  
Aduentet orbi, quo tot annorum graui  
Adiectione pressus, & senio suo  
Succumbat Atlas: machinamq; feruidam  
Mundi æstuantis collo deiectet suo.  
Et inter ista perstat infelix Homo  
Terra atq; cælo factus, & quamuis sua  
Melior parte cælitum callem premar,  
Aeternitatis inclytam affectans viam,  
Corpusq; post se linquat; æternum tamen  
Vigere nescit, quippe quod cæpit suam  
Haurire vitam. Quicquid ERGO Clamitent  
Quodcunq; FE C I T F I N I I T potens Deus.